



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04-01-34- 39 -1/23
Sarajevo, 12.1.2023. godine

SKUPŠTINA KANTONA SARAJEVO

n/r Elvedina Okerića, Predsjedavajući Skupštine Kantona Sarajevo

-ovdje-

Zastupnik Kenan Magoda, u skladu sa članom 106. Poslovnika Skupštine Kantona Sarajevo ("Službene novine Kantona Sarajevo" broj 41/12, - Drugi novi prečišćeni tekst, 15/13, 47/13, 47/15, 48/16, 9/20 i 14/20, 16/22 i 17/22 - ispravka), dana 03.01.2023. godine, uputio je zastupničku inicijativu „da se zimski raspust produži za još 6 (slovima: šest) radnih dana, tako da nastava u drugom polugodištu počinje 09.02.2023. godine“.

ODGOVOR NA ZASTUPNIČKU INICIJATIVU

Obratili ste se Ministarstvu za odgoj i obrazovanje Kantona Sarajevo inicijativom „da se zimski raspust produži za još 6 (slovima: šest) radnih dana, tako da nastava u drugom polugodištu počinje 09.02.2023. godine“.

S tim u vezi obavještavamo Vas sljedeće:

Ministarstvo za odgoj i obrazovanje Kantona Sarajevo cijeni činjenicu da je data pomenuta inicijativu, jer smatramo da je time iskazano interesovanje za dobrobit zdravlja učenika.

Ministarstvo za odgoj i obrazovanje Kantona Sarajevo je u junu mjesecu 2022. godine donijelo Školski kalendar za školsku 2022/2023. godinu, koji je blagovremeno dostavljen svim osnovnim i srednjim školama Kantona Sarajevo, kako bi sve škole na vrijeme mogle planirati sve potrebne aktivnosti u školskoj 2022/2023. godini, kao i izraditi i usvojiti godišnje programe rada i ostala potrebna akta koja se realiziraju u skladu sa Školskim kalendarom.

Shodno pomenutom kalendaru, drugo polugodište počinje 30.01.2023. godine.



Ministarstvo za odgoj i obrazovanje Kantona Sarajevo smatra da navedena inicijativa ne bi išla u prilog ni učenicima ni uposlenicima škola, jer bi u slučaju produžetka zimskog raspusta, školska godina bila produžena u maju mjesecu, za učenike završnih razreda i u junu mjesecu za ostale učenike, kako bi se realizirao neophodni broj nastavnih sati u svim razredima u svim školama. Školskim kalendarom predviđeno je da se nastava za završne razrede srednjih škola završava 09.05.2023.godine, za prve i devete razrede osnovnih škola 06.06.2023. godine, a za ostale razrede 13.06.2023. godine.

Produženjem nastave realizacija eksterne mature učenika, realizacija online upisa učenika u prvi razred srednje škole, kao i realizacija upisa učenika na fakultete morala bi biti prolongirana, te bi se upis učenika u srednje škole realizirao do sredine jula mjeseca (dva upisna roka), što bi između ostalog, u značajnoj mjeri umanjilo dužinu trajanja ljetnjog raspusta učenika.

Osim navedenog, ni produženje zimskog raspusta nije nikakav garant da će u danima produženja biti niske temperature i dovoljno snijega, kako bi učenici mogli uživati u zimskim sportovima, kako je to u obrazloženju zastupničke inicijative navedeno.

Također ističemo da, ukoliko bi zimski raspust za učenike bio produžen za 6 radnih dana, kako je u inicijativi traženo, drugo polugodište školske 2022/2023. godine ne bi počelo 09.02.2023., kako je u inicijativi navedeno, već 07.02.2023. godine.

Smatramo da je u najboljem interesu učenika i uposlenika škola Kantona Sarajevo da drugo polugodište tekuće školske godine počne kako je i planirano.

Napominjemo da Ministarstvo za odgoj i obrazovanje Kantona Sarajevo kontinuirano podržava sve aktivnosti koje su važne za zdravlje učenika, kao i turističke aspekte privrednog razvoja Kantona Sarajevo. Tome u prilog, dostavljamo i informaciju da se svake školske godine realiziraju aktivnosti škole skijanja i škole plivanja za učenike, koje organizira i finansira Ministarstvo za odgoj i obrazovanje Kantona Sarajevo.

S poštovanjem,



RICA

Nisvan Hota - Muminović

Dostaviti: - Naslovu,
- Arhivi.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

2/2

2 / 2